

კაზუსი

ბრალდებული თენგიზი და გარდაცვლილი ტიტე ერთმანეთის ნათესავები იყვნენ. როდესაც თენგიზი დაობლდა ტიტემ დიდი როლი ითამაშა მის აღზრდაში. მას შემდეგ, რაც თენგიზმა შეიარაღებულ ძალებში სამსახური დაამთავრა, ტიტემ მას მუშაობა დააწყებინა თავის მარკეტში მენეჯერად. თავიდან თენგიზი კარგად უძღვებოდა საქმეს, შემდეგ კი თვითნებურად დაიწყო საქონელზე ფასის მომატება, რომლის სხვაობასაც თვითონ იტოვებდა.

2019 წლის აგვისტოში ამ ფაქტთან დაკავშირებით, ტიტემ პრეტენზია გამოთქვა და თენგიზს განუცხადა, რომ გაზრდილი ფასების გამო მარკეტს კლიენტებს უკარგავდა, რის შემდეგაც მათ შორის ურთიერთობა დაიძაბა.

დაახლოებით ერთ კვირაში თენგიზმა განაცხადა, რომ ტიტესთან მუშაობა აღარ უნდოდა და წასვლა გადაწყვიტა. როდესაც მან ახალ მენეჯერს ვანოს გადააბარა მარკეტი, აღმოჩნდა რომ თანხის დანაკლისი 12.000 ლარს შეადგენდა, რაც ტიტეს აზრით, თენგიზის ბრალი იყო. თავიდან თენგიზი უარყოფდა მითითებული თანხის დანაკლისს, ხოლო შემდგომ საუბრებში კი ტიტეს შეპირდა, რომ დაუბრუნებდა თანხას. ამის შემდეგ ტიტემ რამდენიმეჯერ შეუთვალა, რომ მოსულიყო მარკეტში და დაეფარა ვალი, მაგრამ ამაზე თენგიზმა უარი განაცხადა და შეუთვალა, რომ მას არანაირი დავალიანება არ ჰქონდა და მისგან ვერაფერს მიიღებდა.

2019 წლის 20 ოქტომბერს, დაახლოებით 18:30 წუთზე, ტიტე და ვანო მივიდნენ თენგიზის საცხოვრებელ სახლთან, მდებარე თბილისი, ლესელიძის ქუჩა #5. ვანო ღარჩა ეზოში, რადგან ტიტემ უთხრა, რომ თენგიზი მისი ნათესავი იყო და სჭობდა მართო დალაპარაკებოდა.

ბინაში შესვლისას ტიტეს სახლში დახვდა თენგიზი, მისი ცოლი ტასო და 17 წლის შვილი ზურაბი. ვალის მოთხოვნისთანავე ტასომ ტიტეს დაუწყო ხმამაღალი წყევლა და შეურაცხყოფის მიყენება, ხოლო თენგიზმა კი დაუყვირა, რომ სიცოცხლის ფასადაც, რომ დაჯდომოდა მაინც არ დაუბრუნებდა მოთხოვნილ თანხას. უარზე ტიტემ განუცხადა, რომ თენგიზის მხრიდან მალაზიის თანხის მოპარვის გამო განცხადებას შეიტანდა პოლიციაში. შემდგომ თენგიზი შევარდა საძინებელ ოთახში, გამოიტანა „ვალტერ P38“ სისტემის პისტოლეტი და ტიტეს მიმართულებით განახორციელა გასროლა. თავის არეში დაჭრილი ტიტე იატაკზე დავარდა და ადგილზევე გარდაიცვალა. ამის შემდეგ თენგიზი ერთი წუთის განმავლობაში ესაუბრა მეუღლეს, იარაღი იქვე დააგდო, სირბილით გავიდა ეზოში და შეეცადა მიმალულიყო. მისი მცდელობა აღკვეთა პოლიციელმა გიამ, რომელმაც ქუჩაში გასვლისთანავე დააკავა თენგიზი.

მოწმეები:

ბრალდების მოწმე: 1) პოლიციის კაპიტანი გია 2) ვანო

დაცვის მოწმე: 1) თენგიზი 2) ტასო

მხარეები სადაოდ არ ხდიან და თანხმდებიან შემდეგ ფაქტებზე:

- 1) კვლევის შედეგად დადგინდა, რომ თენგიზს აღენიშნება დენტის კვალი ხელზე.
- 2) კვლევით არ დადასტურდა ტიტეს ხელებზე დენტის კვალის არსებობა.
- 3) დენტის კვალი ტიტეს აღენიშნება სახის არეში.
- 4) შუბლზე არსებული ტყვიის შესავალი ხვრელის გარშემო ტიტეს აღენიშნება დამწვრობის კვალი, ანუ სროლა ნაწარმოებია ახლო მანძილიდან, თუმცა არა მიბჯენით.
- 5) ტიტეს ქურთუკზე აღმოჩნდა II ჯგუფის უარყოფითი რეზუსის სისხლი.
- 6) კვლევით დადგინდა, რომ ტიტეს ჰქონდა II ჯგუფის უარყოფითი რეზუსის სისხლი.
- 7) ტიტეს თავიდან ამოღებული ერთი ტყვია გასროლილია იმ იარაღიდან, რომელიც პოლიციამ იპოვნა თენგიზის სახლში.
- 8) თენგიზის სახლიდან ამოღებული იარაღის კვლევით დადგინდა, რომ იგი მიეკუთვნება „ვალტერ P38“-ის სისტემის ნახევრად ავტომატურ პისტოლეტს, დამზადებულია ქარხნული წესით, ვარგისია სროლისათვის და მიეკუთვნება ცეცხლსასროლ იარაღთა კატეგორიას.
- 9) იარაღზე შედარებისათვის ვარგისი თითის ანაბეჭდები გამოკვლევით არ აღმოჩნდა.
- 10) ტიტეს სიკვდილის უშუალო მიზეზია, თავის არეში, შუბლიდან შემავალი ტყვიის მიერ ტვინის დაზიანება. რა კუთხით მოხდა სროლა ვერ დადგინდა არსებული დაზიანების ხარისხიდან გამომდინარე.
- 11) სხეულზე აღმოჩენილი მცირე ნამწვავები, წარმოიშვება იმ დროს როდესაც იარაღის გასროლა ხდება ზედაპირიდან 15-107 სმ-ის მოშორებით.

თბილისის პოლიციის მთავარი სამმართველო
ანგარიში დანაშაულებრივ ქმედებაზე

2019 წლის 20 ოქტომბერს, დაახლოებით 18:40 სთ-ზე, ჩემი სამსახურებრივი „შკოდას“ ფირმის ავტომანქანით, ოპერატიულ შემოვლაზე ვიმყოფებოდი ქ. თბილისში, ლესელიძის ქუჩაზე, რა დროსაც, #5 საცხოვრებელი სახლიდან შემომესმა ცეცხლსასროლი იარაღიდან ერთი გასროლის ხმა. მე დაუყოვნებლივ შევაჩერე მანქანა და გამოვიძახე დამხმარე ძალები.

გასროლიდან დაახლოებით ორ წუთში დავინახე, რომ ზემოთხსენებული სახლის ეზოდან მორბოდა მამაკაცი, რომელიც შემდგომ აღმოჩნდა თენგიზი. თენგიზს გამოჰყვა მამაკაცი, რომელიც ყვიროდა „დაიჭირეთ, არ გაუშვათ მკვლელი“. სახლიდან კი გაისმა ქალის კივილი – „ტიტე მოკლულია“.

მე თენგიზს ვუბრძანე, რომ გაჩერებულიყო და ხელები მაღლა აეწია, რაც მან დაუყოვნებლივ შეასრულა. მე მივედი მასთან გავუკეთე ხელბორკილი და ვუთხარი, რომ იგი დაკავებული იყო თავდასხმისათვის, ან თუ ტიტე გარდაცვლილი იყო მკვლელობისათვის და შესაბამისად, სსსკ-ის მიხედვით, მას გავაცანი დაკავებულის უფლებები. თენგიზს ჩემთვის არაფერი უთქვამს, მან თავი უხმოდ დამიქნია, რის შემდეგაც მე იგი ჩავსვი ავტომანქანაში.

დაახლოებით 5 წუთში, ჩემს დასახმარებლად მოვიდნენ პოლიციის ოფიცრები, რომლებმაც უზრუნველყვეს შემთხვევის ადგილის დაცვა და თენგიზის გადაყვანა დროებითი მოთავსების იზოლატორში.

ჩემს მიერ დათვალიერებული იქნა შემთხვევის ადგილი – ლესელიძის ქუჩის #5 სახლის პირველ სართულზე განთავსებული ბინა. აღნიშნული ბინიდან მე ამოვიღე ერთი ცალი გასროლილი მასრა და ცეცხლსასროლი იარაღი. მითითებული ნივთები დაილუქა და შეიფუთა ჩემს მიერ. ასევე პოლიციის მუშაკებს დავავალე, რომ მოეძიებინათ თვითმხილველი მოწმეები.

გასროლილი მასრა მე ამოვიღე სასტუმრო ოთახის შესასვლელი კარის მარცხენა კედლიდან ერთ მეტრში მდგარი ჟურნალების მაგიდის ქვემოდან, ხოლო ცეცხლსასროლი იარაღი კი სასტუმრო ოთახის იატაკიდან.

შემთხვევის ადგილზე გამოძახებულმა სამედიცინო ექსპერტმა განაცხადა, რომ ტიტე გარდაცვლილი იყო და მისი სხეული გადატანილი იქნა სასამართლო-სამედიცინო ექსპერტიზის ეროვნული ბიუროს პროზექტურაში, გვამის გამოკვლევის მიზნით.

სასამართლო-სამედიცინო ექსპერტის მიერ სასტუმრო ოთახიდან, სადაც ესვენა ტიტეს გვამი, აღებული იქნა მოწითალო მორუხო ფერის სითხის ანანმენდები ბამბის ტამპონებით, რაც დალუქული იქნა ჩემს მიერ.

მე ვესაუბრე მარკეტის მენეჯერ ვანოს, რომელმაც მითხრა, რომ 20 ოქტომბერს, დაახლოებით 18:00 საათზე, იგი იმყოფებოდა სამსახურში – ტიტეს მარკეტში, რომელიც მდებარეობს თბილისში, თავისუფლების მოედანზე. მასთან ერთად აგრეთვე იყო მარკეტის სხვა თანამშრომლები. ამ დროს მარკეტში მოვიდა მეპატრონე ტიტე, რომელმაც სთხოვა, რომ ის გაჰყოლოდა მისი ნათესავის, მარკეტის ყოფილი მენეჯერის თენგიზის სანახავად. ეს უკანასკნელი აღბარდა ტიტემ, როდესაც ობლად დარჩა და შეიარაღებულ ძალებში სამსახურის დამთავრების შემდეგ თავის კუთვნილ მარკეტში დანიშნა მენეჯერად. ვანო იმავე მარკეტში მუშაობდა დაახლოებით 1 წლის მანძილზე, ჯერ დამხმარე მუშად ხოლო შემდგომ

თენგიზის ასისტენტად. როგორც ტიტემ შემდგომში ვანოსაგან შეიტყო, თენგიზი ითვისებდა მაღაზიის კუთვნილ თანხებს და ამის გამო მასსა და თენგიზს შორის მოხდა უთანხმოება. როდესაც გაირკვა რომ თენგიზი მაღაზიის ფულს იპარავდა ტიტემ მაღაზიის მენეჯერის ადგილი ვანოს შესთავაზა რაზედაც მიიღო თანხმობა. როდესაც ვანომ მაღაზია გადაიბარა აღმოაჩინა, რომ დანაკლისი 12.000 ლარს შეადგენდა რაც ვანომ დაუყოვნებლივ შეატყობინა ტიტეს. ეს უკანასკნელი დაელაპარაკა თენგიზს, რომელმაც თავიდან არ აღიარა მითითებული თანხის დანაკლისი, ხოლო შემდგომ საუბრებში კი შეპირდა ტიტეს, რომ დაუბრუნებდა მოპარულ თანხას. ამის შემდეგ ტიტემ რამდენიმეჯერ შეუთვალა თენგიზს, რომ მოსულიყო მარკეტში და დაეთვარა ვალი, მაგრამ თენგიზმა ამაზე განაცხადა, რომ მას არანაირი დავალიანება არ ჰქონდა და მისგან ვერაფერს მიიღებდა.

იმავე დღეს, დაახლოებით 18:30 წუთზე, ვანო და ტიტე მივიდნენ თენგიზის საცხოვრებელ სახლთან, მდებარე თბილისი, ლესელიძის ქუჩა #5, სადაც ვანო დარჩა ეზოში, რადგან ტიტემ უთხრა მას, რომ თენგიზს მარტო დალაპარაკებოდა.

ტიტეს I სართულზე მდებარე ბინაში შესვლისთანავე, ვანომ ღია ფანჯრებიდან გაიგონა, თუ როგორ დაუწყო თენგიზის ცოლმა ტასომ ხმამაღალი წყევლა და შეურაცხყოფის მიყენება ტიტეს, ხოლო თენგიზმა კი დაუყვირა, რომ მისი სიცოცხლის ფასადაც, რომ დაჯდომოდა მაინც არ დაუბრუნებდა 12.000 ლარს. ტიტემ უპასუხა, რომ მაშინ თენგიზის მიერ ფულის მოპარვის ფაქტს პოლიციაში განაცხადებდა. ვანომ შემდგომ გაიგონა როგორ თქვა თენგიზმა, რომ საძინებლიდან იარაღს გამოიტანდა.

აღნიშნულიდან დაახლოებით ნახევარ წუთში, ვანოს თენგიზის ბინიდან შემოესმა ქალის კივილი, რასაც იმავდროულად მოჰყვა პისტოლეტიდან გასროლის ხმა. ამავე დროს მან ასევე გაიგონა, თუ როგორ ესაუბრებოდა თენგიზი თავის ცოლს დაახლოებით ერთი წუთის განმავლობაში რაღაცაზე, რის შემდეგაც მან დაინახა, თუ როგორ გამოვიდა თენგიზი ეზოში და გაიქცა. ამის შემდეგ ვანომ შეიხედა ბინაში და დაინახა ტიტეს გვამი, რომელიც სასტუმრო ოთახში იატაკზე ესვენა. ის ყვირილით გამოეკიდა თენგიზს და ითხოვდა დახმარებას მკვლელის დასაკავებლად. როდესაც ეზოდან გავიდა, დაინახა გაჩერებული პოლიციის მანქანა, რომლის სიახლოვეს იდგა შეიარაღებული პოლიციის ოფიცერი. მას დაკავებული ჰყავდა თენგიზი.

მე გავესაუბრე თენგიზის ცოლს ტასოს. მან განაცხადა, რომ იგი შემთხვევის დღეს სახლში იმყოფებოდა თავის შვილ ზურასთან და მეუღლესთან თენგიზთან ერთად. დაახლოებით 18:30 საათზე, მათთან სახლში შეიჭრა თენგიზის ნათესავი, მარკეტის მეპატრონე ტიტე, რომელთანაც მისი მეუღლე ადრე მუშაობდა მენეჯერის თანამდებობაზე. წამოსვლის შემდეგ ტიტე, რომელიც წაქეზებული ჰყავდა მარკეტის ახალ მენეჯერს, ვანოს, მის ქმარს აბრალებდა, რომ თითქოს მარკეტიდან მითვისებული ჰქონდა 12.000 ლარი. ტიტე ემუქრებოდა თენგიზს, რომ თუ თანხას არ დაუბრუნებდა, ფიზიკურად გაუსწორებოდა. ტიტემ ოთახში შემოსვლისთანავე მის ქმარს დაუწყო გინება, მოსთხოვა ფულის დაბრუნება და უთხრა, რომ იგი მოსული იყო მეგობართან (ვანოსთან) ერთად და თუ ნებით არ დაუბრუნებდა მოთხოვნილ თანხას, ძალის გამოყენებით მიაღწევდა თავისას. თენგიზმა უპასუხა, რომ მას არანაირი თანხები არ მიუთვისებია და დაენებებინა თავი, როგორც მისთვის ასევე მისი ოჯახისათვის. ამაზე ტიტე გაბრაზდა, ამოიღო შავი ფერის პისტოლეტი, მოიყვანა საბრძოლო მდგომარეობაში და თენგიზს უთხრა, რომ თუ თანხას არ მისცემდა მის ცოლს მისივე თვალწინ გააუპატიურებდა, ხოლო მას კი მოკლავდა. იარაღის

დანახვაზე, თენგიზი შეეცადა ოჯახის დაცვას, პისტოლეტიან ხელში ეცა ტიტეს და მათ დაიწყეს ჭიდაობა, რა დროსაც მოხდა გასროლა და ტიტე იატაკზე დაეცა, ხოლო თენგიზი კი შეშინებული გაიქცა სახლიდან.

ჩემ მიერ გამოიკითხა თენგიზის არასრულწლოვანი შვილი ზურა, რომელმაც სავესებით დაადასტურა დედის განმარტებები.

გარდაცვლილი ტიტეს გვამი პროზექტურაში გაკვეთა სასამართლო-სამედიცინო ექსპერტმა შალვამ და გასცა შესაბამისი დასკვნა, რომლის მიხედვითაც, სიკვდილის უშუალო მიზეზია, შუბლიდან შემავალი ტყვიის მიერ ტვინის დაზიანება. გვამის გამოკვლევის დროს ექსპერტის მიერ ამოღებული იქნა 9მმ ტყვია. გვამის გამოკვლევით დადგინდა, რომ ტიტეს სიკვდილამდე მიღებული ჰქონდა ალკოჰოლი და მას კუჭში აღმოაჩნდა 1,5 პრომილე ეთილის სპირტი, რაც შეესაბამება მსუბუქი ხარისხის სიმთვრალეს.

ჩემ მიერ დანიშნული იქნა ბალისტიკური ექსპერტიზა. რომელიც ჩაატარა ექსპერტმა ბალისტიკოსმა ზინამ და დაადგინა, რომ შემთხვევის ადგილიდან ამოღებული ცეცხლსასროლი იარაღი მიეკუთვნება 1938 წლის გერმანიის წარმოების ქარხნული წესით დამზადებული „ვალტერ P38“ სისტემის 9მმ ყალიბის ნახევრად ავტომატური პისტოლეტი, სერიული #1600, ვარგისია სროლისათვის და მიეკუთვნება ცეცხლსასროლ იარაღთა კატეგორიას. აგრეთვე დადგინდა, რომ ტიტეს გვამიდან ამოღებული ტყვია და შემთხვევის ადგილიდან ამოღებული ერთი ცალი მასრა გასროლილია მითითებული პისტოლეტიდან.

ქიმიური ექსპერტიზის დასკვნით, რომელიც ჩაატარა ელენემ გაირკვა, რომ ტიტეს შუბლზე არსებული ერთი ნატყვიარის ირგვლივ აღმოჩენილი იქნა დენტის აფეთქების შედეგად მიღებული დამწვრობა, ანუ სროლა ნაწარმოებია ახლო მანძილიდან, მაგრამ არა მიბჯენით. რადგან ეტყობოდა მცირე ნამწვავები. ამავე კვლევის შედეგად დადგინდა, რომ დენტის კვალი თენგიზს აღენიშნება მარჯვენა ხელზე. ამავე საექსპერტო კვლევით არ დადასტურდა ტიტეს ხელებზე დენტის კვალის არსებობა. ჩემს შეკითხვაზე, ელენემ ასევე განმარტა, რომ შესაძლებელია იარაღი ჭეროდა ტიტეს, თუმცა დენტის კვალი მაინც არ აღმოჩენილიყო ტიტეს ხელზე, თუ გასროლისას მისი ხელი დაფარული იყო თენგიზის ხელით.

ბიოლოგიური ექსპერტიზის დასკვნით, რომელიც ჩაატარა მაიამ, ტიტეს კუთვნილ ქერთუკზე აღმოჩნდა II ჯგუფის უარყოფითი რეზუსის სისხლი. კვლევით ასევე დადგინდა, რომ ტიტეს ჰქონდა II ჯგუფის უარყოფითი რეზუსი. გარდა ამისა გაირკვა, რომ შემთხვევის ადგილიდან ამოღებულ ბამბის ანაწმენდებზე არის ადამიანის II ჯგუფის უარყოფითი რეზუსის სისხლი.

ჩემ მიერ გადამოწმებული იქნა თენგიზის სახლიდან ამოღებული ცეცხლსასროლი იარაღის რეგისტრაციის საკითხი და გაირკვა, რომ აღნიშნული „ვალტერ P38“ სისტემის პისტოლეტი არავიგზე არ არის რეგისტრირებული.

დაკავებულმა თენგიზმა 2019 წლის 20 ოქტომბერს, 23:00 საათზე, ჩემი თანდასწრებით მისცა ჩვენება, რომელიც ანალოგიურია მისი ცოლის ტასოს მიერ მიცემული განმარტებებისა.

მომზადებულია: თბილისის პოლიციის მთავარი სამმართველოს მიერ.

შენიშვნა: კაპიტანი გია პოლიციის ორგანოებში მუშაობს 5 წლის განმავლობაში. ჰყავს მეუღლე.

ვანოს ჩვენება

მე მქვია ვანო. 2009 წლის აგვისტოდან დღემდე ვარ თავისუფლების მოედანზე მდებარე ტიტეს კუთვნილი მარკეტის მენეჯერი. ვმუშაობ დილის 10 საათიდან საღამოს 20 საათამდე. ვცხოვრობ ქ. თბილისში, კარგარეთელის ქუჩა #16-ში. ვარ 35 წლის. ცოლ-შვილიანი.

2009 წლის მაისში, მე გავიცანი ტიტე, რომელიც იყო ჩემი ნათესავი მედეას მეუღლე და ფლობდა თბილისში, თავისუფლების მოედანზე მდებარე მარკეტს. ამის შემდეგ ჩვენ სისტემატიურად ვხვდებოდით ერთმანეთს და ჩვენ შორის ჩამოყალიბდა ახლო მეგობრული ურთიერთობა. ტიტემ დამაწყებინა მუშაობა მის კუთვნილ მარკეტში გამყიდველად, სადაც ამ პერიოდში როგორც ტიტემ მითხრა მენეჯერი იყო მისი ნათესავი თენგიზი, რომელიც ბავშვობიდან ობოლი გაზარდა და ამჟამად დასაქმებული ჰყავდა თავის მაღაზიაში.

მალევე მე დამაწინაურეს და გავხდი მენეჯერი, ანუ თენგიზის ასისტენტი, რა დროსაც მე აღმოვაჩინე, რომ თენგიზი ხელოვნურად ზრდიდა ფასებს ხოლო მიღებულ სხვაობას ისაკუთრებდა. ტიტე კი გაზრდილი ფასების გამო კლიენტებს კარგავდა. ეს ფაქტი დაუყოვნებლივ შევატყობინე ტიტეს. 2019 წლის აგვისტოს პირველ რიცხვებში, მე დამიკავშირდა ტიტე და შემომთავაზა მენეჯერის თანამდებობა, რადგან მისივე განმარტებით თენგიზი წასვლას აპირებდა. ტიტეს ამ წინადადებას მე დავთანხმდი.

2019 წლის 10 აგვისტოს, მე შევედეთ მენეჯერის მოვალეობის შესრულებას და ტიტეს თხოვნით იმავე დღეს დავიწყე თენგიზისაგან მარკეტის გადაბარების პროცედურა. გადაბარების პროცესი გაგრძელდა ოთხი დღე. გადაბარების ბოლო დღეს გაირკვა, რომ თენგიზს ჰქონდა დანაკლისი თანხა 12.000 ლარის ოდენობით, რაც შესაბამისად მოვახსენე მაღაზიის მეპატრონე ტიტეს. ამ პერიოდის დროს იყო რომ თენგიზის ქმარში ჩადებული იარაღი შევნიშნე.

როდესაც დანაკლისის თაობაზე შეიტყო ტიტემ, იგი ჩემი თანდასწრებით დაელაპარაკა თენგიზს, რომელმაც თავიდან არ აღიარა, მითითებული თანხის დანაკლისი, ხოლო შემდგომ საუბრებში კი შეპირდა ტიტეს, რომ დაუბრუნებდა თანხას. ამის შემდეგ ტიტემ რამდენიმეჯერ შეუთვალა, რომ მოსულიყო მარკეტში და დაეფარა ვალი, მაგრამ თენგიზმა ამაზე განაცხადა, რომ მას არანაირი დავალიანება არ ჰქონდა და მისგან ვერაფერს მიიღებდა.

2019 წლის 20 ოქტომბერს, დაახლოებით 18:30 წუთზე, მე და ტიტე მივედით თენგიზის საცხოვრებელ სახლთან, მდებარე თბილისი, ლესელიძის ქუჩა #5, სადაც მე დავრჩი ეზოში, რადგან ტიტემ მითხრა, რომ თენგიზი მისი ნათესავი იყო და სჯობდა მარტო დალაპარაკებოდა.

ტიტეს I სართულზე მდებარე ბინაში შესვლისთანავე, ღია ფანჯრებიდან გავიგონე თუ როგორ დაუწყო თენგიზის ცოლმა ხმამაღალი წყევლა და შეურაცხყოფის მიყენება ტიტეს, ხოლო თენგიზმა კი დაუყვირა, რომ სიცოცხლის ფასადაც, რომ დაჯდომოდა მაინც არ მისცემდა 12.000 ლარს. ტიტემ კი უთხრა რომ მაშინ 12.000 ლარის მოპარვის ფაქტს პოლიციას შეატყობინებდა.

აღნიშნულიდან დაახლოებით ნახევარ წუთში, მე თენგიზის ბინიდან გავიგე ქალის შეკივლება, რასაც იმავდროულად მოჰყვა პისტოლეტიდან გასროლის ხმა. ამის შემდეგ გავიგონე თუ როგორ ესაუბრებოდა დაახლოებით ერთი წუთის განმავლობაში თენგიზი თავის ცოლს რაღაცაზე. რის შემდეგაც მე დავინახე, როგორ

გამოვარდა სირბილით ეზოში თენგიზი. ამის შემდეგ შევიხედე ბინაში და დავინახე ტიტეს გვამი, რომელიც სასტუმრო ოთახში იატაკზე ესვენა. იქვე, გვამთან ეგდო ცეცხლსასროლი იარაღი. მე გამოვეკიდე თენგიზს, რომელიც ქუჩისკენ გარბოდა. თან ვუხმობდი დამხმარეებს, რომ დაეკავებინათ მკვლელი. როდესაც ეზოდან გავედი, დავინახე გაჩერებული პოლიციის მანქანა და პოლიციის ოფიცერი, რომელსაც ხელში ცეცხლსასროლი იარაღი ეჭირა, მან უბრძანა თენგიზს ხელები მაღლა აეწია, რაც მან შეასრულა. იგი დაკავებული იქნა პოლიციელის მიერ. ჩემი ჩვენება დანერგილია ჩემი სიტყვებიდან. ნავიკითხე, ჩანერილია სწორად რასაც ვადასტურებ ხელის მოწერით.

ტასოს ჩვენება

მე მქვია ტასო, ვარ 35 წლის, ვცხოვრობ ქ. თბილისში, ლესელიძის ქ. #5 –ში, მყავს მეუღლე და ერთი ვაჟი. ამჟამად არსად ვმუშაობ, ვარ დიასახლისი. მე ვიცი, რომ ჩემს მეუღლეს – თენგიზს ბრალად ედება მისი ნათესავის მკვლელობა, რასთან დაკავშირებითაც მოგახსენებთ შემდეგს:

მიმდინარე წლის 20 ოქტომბერს, საღამოს ვიმყოფებოდი სახლში, მეუღლესთან და შვილთან ერთად. ის იყო, ვახშმად უნდა დავმსხდარიყავით, რომ სახლის შემოსასვლელი კარი შემოაღო ჩემი მეუღლის ნათესავმა ტიტემ, რომელსაც აშკარად ეტყობოდა, რომ ნასვამი იყო. მან პირდაპირ უშვერი სიტყვებით მიმართა ჩემს მეუღლეს და აგინებდა თენგიზს დედის და ჩემი მისამართით. ტიტე ყვიროდა, რომ ჩემს მეუღლეს მიეცა მისთვის ფული, წინააღმდეგ შემთხვევაში იგი გამოიყენებდა ძალას. მან ახსენა, რომ იგი მოსული იყო არა მარტო, არამედ მეგობრებთან ერთად და ძალით მიაღწევდა თავისას. თენგიზმა უპასუხა, რომ მას არანაირი თანხა არ მართებდა ტიტესთვის და რომ თავი დაენებებინა მისთვის და საერთოდ ჩვენი ოჯახისათვის. ამის საპასუხოდ ტიტემ ამოიღო იარაღი, რომელიც, თუ არ ვცდები, იყო შავი ფერის, რაღაც გადანია იარაღზე და თენგიზს დაემუქრა, რომ თუ არ მისცემდა თანხას იგი მე ნამუსს ამხდოდა. იარაღის დანახვაზე მე შევკვივლე, ხოლო ჩემი შვილი ზურა შიშისაგან აცახცახებული მომეკრა. ამ დროს თენგიზი სწვდა ტიტეს იმ ხელში, რომელშიც იარაღი ეჭირა და შეეცადა წართმევას. მათ დაიწყეს ჭიდაობა. ამ დროს გაისმა გასროლის ხმა და ტიტე ძირს დაეცა. ჩვენ ყველა გაოგნებული ვიყავით და უბრალოდ ხმას ვერ ვიღებდით. როდესაც გონს მოვეო თენგიზმა მითხრა, რომ ხელი არათერისათვის არ დამედო, რომ არავინ შემოეშვა სახლში პოლიციის მოსვლამდე, თვითონ კი პოლიციის დასაძახებლად გაიქცა. როგორც შემდეგ გავიგე, თენგიზი დაიჭირეს გზაში. მას არ უჭერებენ, რომ ის პოლიციაში გარბოდა. პოლიციას ჰკონია, რომ იგი გაქცევას აპირებდა.

თენგიზი ტიტესთან მუშაობდა მაღაზიის მენეჯერად. თავიდან მას კარგი ურთიერთობა ჰქონდა ტიტესთან, თუმცა ბოლო ხანებში ძალიან განერვიულებული მოდიოდა სახლში. ამბობდა, რომ ტიტე რაც ხანში შედიოდა უფრო და უფრო ეჭვიანი და აგრესიული ხდებოდა. მახსოვს, აგვისტოს თვეში, ერთ საღამოს თენგიზი სასონარკვეთილი დაბრუნდა სამსახურიდან. იგი სახეს მარიდებდა, მე დავაკვირდი და შევამჩნიე, რომ თვალი ჩალურჯებული ჰქონდა. როდესაც ვკითხე, თუ რა მოხდა მან მითხრა, რომ ტიტესთან უსიამოვნება მოუვიდა, რადგან იგი იყო, ვანოს მიერ წაქეზებული და რაღაც თანხის მოპარვას აბრალებდა. ჩემი მეუღლე ბოლო დროს ცდილობდა მარკეტიდან წამოსვლას და სხვა სამსახურის შოვნას. სხვაგან ვერ იშოვა სამსახური, ამიტომ მარკეტიდანაც ვერ მოდიოდა, იმიტომ რომ მთელი ოჯახი მშიერი დავრჩებოდით. ბოლოს იგი მაინც წამოვიდა და მის თანამდებობაზე დაინიშნა ვანო, რომელმაც ყველაფერი გააკეთა რათა ხელში ჩაეგდო თენგიზის თანამდებობა. თენგიზი ამის შემდეგ დაახლოებით ორი თვის განმავლობაში წარუმატებლად ეძებდა სამსახურს. მერე რაც მოხდა თქვენც იცით.

სასამართლო-სამედიცინო ექსპერტიზის ბიურო

საქმის დასახელება: სახელმწიფო თენგიზის წინააღმდეგ

ექსპერტი: მალვა, მედიცინის დოქტორი აუტოფსიის #1315

გამოკვლევის ცენტრი: ექსპერტიზის ეროვნული ბიურო

პაციენტი: ტიტე ასაკი: 57 სქესი: მამრობითი რასა: თეთრკანიანი

თარიღი, დრო: გარდაცვალების _ 20.10.2019; აუტოფსიის _ 20.10.2019, 21:00 საათი

პროზექტურა: #1 საავამდყოფოს პროზექტურა

კლინიკური მონაცემები: 2019 წლის 20 ოქტომბერს, სასამართლო-სამედიცინო ექსპერტიზის ბიუროში შემოვიდა შეტყობინება, რომ თბილისში, ლესელიძის ქუჩა #5-ში მდებარე საცხოვრებელ ბინაში ცეცხლსასროლი იარაღიდან ნაწარმოები სროლის შედეგად იყო გვამი, რომლის გამოკვლევის მიზნითაც შემთხვევის ადგილზე გამოცხადდნენ სასამართლო-სამედიცინო ექსპერტიზის თანამშრომლები, რომლებმაც გარეგნულად დაათვალიერეს გარდაცვლილი პირი, შემდგომში იდენტიფიცირებული ტიტე, რომელიც 21 საათისათვის გადასვენებული იქნა პროზექტურაში, შემდგომი გამოკვლევის მიზნით.

მიცვალებულის ექსპერტიზა დავიწყე 21 საათზე. აუტოფსიის ჩატარებამდე, გადავიღე თავის ქალის პირდაპირი და გვერდითი ხედვის რენდგენი, დავანერე თარიღი, დავნომრე და მივუთითე ინიციალები „ი“, შემდეგ კი შევინახე. რენდგენის სურათიდან ირკვევა, რომ მიცვალებულის თავის ქალაში აღინიშნება ერთი რენდგენის სხივების გაუმტარი უცხო სხეული.

დასკვნა:

ცეცხლსასროლი იარაღიდან მიყენებული ჭრილობა თავის არეში.

სიკვდილის გამომწვევი მიზეზი:

ტიტეს სიკვდილის უშუალო მიზეზია, თავის არეში ცეცხლსასროლი იარაღით მიყენებული ჭრილობა, რამაც გამოიწვია თავის ტვინის, მთლიანობის დარღვევა. გვამის გამოკვლევის დროს ექსპერტის მიერ ამოღებული იქნა 9მმ ყალიბის ტყვია. გვამის გამოკვლევით დადგინდა, რომ ტიტეს სიკვდილამდე მიღებული ჰქონდა ალკოჰოლი და მას კუჭში აღმოაჩნდა 1,5 პრომილე ეთილის სპირტი, რაც შეესაბამება მსუბუქი ხარისხის სიმთვრალეს.

ბალისტიკური ექსპერტიზა

საქმის დასახელება: სახელმწიფო თენგიზის წინააღმდეგ.

ექსპერტი: ზინა, 15 წლის სტაჟი. 21.10.2019 წელი

გამოკვლევის ცენტრი: ექსპერტიზის ეროვნული ბიურო

ექსპერტიზაზე წარმოდგენილია სამი ფუთა, დალუქული თბილისის მთავარი სამმართველოს ბეჭდით პაკეტებისათვის.

გამოკვლევა:

ფუთების გახსნისას აღმოჩნდა:

ფუთა #1 _ შემთხვევის ადგილიდან ამოღებული პისტოლეტი მჭიდროდ და შვიდი ცალი ცარიელი ვაზნით;

ფუთა #2 – შემთხვევის ადგილიდან ამოღებული სპილენძის ერთი გასროლილი მასრა;

ფუთა #3 – ტიტეს გვამიდან ამოღებული სპილენძის გარსიანი ტყვია.

დასკვნა:

1) შემთხვევის ადგილიდან ამოღებული ცეცხლსასროლი იარაღი მიეკუთვნება 1938 წლის გერმანიის წარმოების ქარხნული წესით დამზადებულ „ვალტერ P38“ სისტემის 9მმ ყალიბის ნახევრად ავტომატურ პისტოლეტს და მას აქვს სერიული #1600, ვარგისია სროლისათვის და მიეკუთვნება ცეცხლსასროლ იარაღთა კატეგორიას.

2) ტიტეს გვამიდან ამოღებული ტყვია და შემთხვევის ადგილიდან ამოღებული ერთი ცალი მასრა გასროლილია მითითებულ პისტოლეტიდან.

ქიმიური ექსპერტიზა

საქმის დასახელება: თენგიზის სახელმწიფო თენგიზის წინააღმდეგ.

ექსპერტი: ელენე, ქიმიის მეცნიერებათა დოქტორი. 23.10.2019 წელი

გამოკვლევის ცენტრი: შსს ექსპერტიზის მთავარი სამმართველო.

ექსპერტიზაზე წარმოდგენილია სამი პაკეტი, დალუქული თბილისის შს მთავარი სამმართველოს ბეჭდით პაკეტებისათვის.

გამოკვლევა:

1) #1 პაკეტის გახსნისას მასში აღმოჩნდა ტიტეს გვამიდან, კერძოდ – თავის არედან აღებული ანაწმენდი ბამბის ტამპონი

2) #2 პაკეტის გახსნისას მასში აღმოჩნდა თენგიზის მარჯვენა ხელიდან აღებული ანაწმენდი ბამბის ტამპონი.

3) # 3 პაკეტის გახსნისას მასში აღმოჩნდა ტიტეს ხელებიდან აღებული ანაწმენდი ბამბის ტამპონები.

დასკვნა:

1) ტიტეს გვამიდან, კერძოდ, შუბლზე არსებული ნატყვიარის ადგილზე აღმოჩენილი იქნა დენტის აფეთქების შედეგად მიღებული დამწვრობა, ანუ სროლა ნაწარმოებია ახლო მანძილიდან, მაგრამ არა მიბჯენით.

2) დენტის კვალი თენგიზს აღენიშნება მარჯვენა ხელზე.

3) ტიტეს ხელებზე დენტის კვალის არსებობა არ დადასტურდა.

ბიოლოგიური ექსპერტიზა

საქმის დასახელება: სახელმწიფო თენგიზის წინააღმდეგ.

ექსპერტი: მაია, 20 წლის სტაჟი. 24.10.2019 წელი

გამოკვლევის ცენტრი: შსს ექსპერტიზის მთავარი სამმართველო.

ექსპერტიზაზე წარმოდგენილია ერთი ფუთა და ორი პაკეტი, დალუქული თბილისის შს მთავარი სამმართველოს ბეჭდით პაკეტებისათვის.

გამოკვლევა:

1) ფუთის გახსნისას მასში აღმოჩნდა ტიტეს კუთვნილი ქურთუკი.

2) #1 პაკეტის გახსნისას მასში აღმოჩნდა ტიტეს გვამიდან აღებული სისხლი.

3) #2 პაკეტის გახსნისას მასში აღმოჩნდა შემთხვევის ადგილიდან ამოღებულ ბამბის ანაწმენდები.

დასკვნა:

- 1) ტიტეს კუთვნილ ქურთუკზე აღმოჩნდა II ჯგუფის უარყოფითი რეზუსის სისხლი.
- 2) ტიტეს გვამიდან აღებული სისხლი მიეკუთვნება II ჯგუფის უარყოფითი რეზუსის სისხლს.
- 3) შემთხვევის ადგილიდან ამოღებულ ბამბის ანაწმენდებზე არის II ჯგუფის უარყოფითი რეზუსის ადამიანის სისხლი.

თენგიზის ჩვენება

წინამდებარე ჩვენება 2019 წლის 20 ოქტომბერს, 23:00 საათზე თბილისის შს მთავარ სამმართველოში ჩამოერთვა თენგიზს, რომელიც ქრონოლოგიურად ჩაიწერა კაპიტანმა გიამ. დაკითხვას ესწრებოდა პროკურორი და თენგიზის ადვოკატი.

მე ვიცი, რომ ბრალად მედება ტიტეს განზრახ მკვლელობა, რასთან დაკავშირებითაც მოგახსენებთ შემდეგს:

დავბადე 1973 წელს ქ. თბილისში. აქვე დავამთავრე სკოლა და უმაღლესი სასწავლებელი. პროფესიით ვარ ეკონომისტი. ამჟამად არსად არ ვმუშაობ. ადრე ვმუშაობდი ჩემს ნათესავ ტიტესთან მარკეტის მენეჯერად. ვარ დაოჯახებული. მყავს ერთი შვილი.

2003 წლიდან ვმუშაობდი ზემოაღნიშნულ მარკეტში მენეჯერად. ბოლო პერიოდში დაძაბული ურთიერთობა მექონდა მაღაზიის მეპატრონე ტიტესთან, რომელიც მაბრალეობდა მე ფასების ხელოვნურად გაზრდას და თანხების მითვისებას. აგვისტოს თვეში მან ჩემს თანამდებობაზე დანიშნა ჩემი ყოფილი თანაშემწე ვანო, რომელმაც გადაბარების დროს განაცხადა, რომ თითქოს მე დანაკლისი მექონდა 12.000 ლარი. ეს ტიტემ დაიჯერა, მაგინა, ფიზიკური შეურაცხყოფაც მომაცენა და დამემუქრა, რომ თუ აღნიშნულ თანხას არ მივუტანდი ფიზიკურად გამისწორდებოდა და ნამუსს ახდიდა ჩემს ცოლს. ამ ყველაფერს ადგილი ჰქონდა მას შემდეგ, რაც სამსახურიდან გამომავლო.

2019 წლის 20 ოქტომბერს, სახლში ვიმყოფებოდი შვილთან და მეუღლესთან ერთად. დაახლოებით 18:30 საათზე, ჩემთან სახლში შემოიჭრა ტიტე, რომელსაც ეტყობოდა, რომ ნასვამი იყო. მან დამიწყო გინება დედისა და ცოლის მისამართით, მომთხოვა ფულის დაბრუნება და მითხრა, რომ იგი მოსული იყო მეგობრებთან ერთად და თუ ნებით არ დავუბრუნებდი თანხას ძალის გამოყენებით მიაღწევდა თავისას. მე ვუპასუხე, რომ არანაირი თანხები არ მიმითვისებია და ვთხოვე, დაენებებინა თავი, როგორც ჩემთვის ასევე ჩემი ოჯახისათვის. ამაზე ტიტე გაბრაზდა, ამოიღო შავი ფერის პისტოლეტი, მომართა საბრძოლო მდგომარეობაში და მითხრა რომ თუ თანხას არ მივცემდი, ცოლს თვალწინ გამიუპატიურებდა, ხოლო მე კი მომკლავდა. იარაღის დანახვაზე მე შევეცადე ცოლ-შვილის დაცვას და პისტოლეტიან ხელში ვეცი ტიტეს. ჩვენ დავიწყეთ ჭიდაობა, რა დროსაც მოხდა გასროლა და ტიტე იატაკზე დაეცა. მე გაოგნებული ვიყავი. მე მხოლოდ მისთვის იარაღის წართმევას ვცდილობდი. როდესაც დავინახე, რომ ტიტეს იარაღი გავარდა

და ტყვია თავში მოხვდა, მე შემეშინდა და გავიქეცი იქვე მდებარე ჩვენი რაიონის პოლიციის განყოფილებაში, რათა შემეტყობინებინა მომხდარის შესახებ. აქვე განვმარტავ, რომ სახლის ტელეფონი გათიშული იყო დავალიანების გამო, ხოლო ჩემი კუთვნილი მობილური ტელეფონი რამოდენიმე დღით ადრე გავყიდე რადგან სამსახურიდან წამოსვლის შემდგომ განვიცდიდი მატერიალურ პრობლემებს. ამ დროს ქუჩაზე გამოსვლისას დავინახე პოლიციელი, რომელსაც ჩავხვარდი. აქვე დავამატებ, რომ მე საკუთრებაში იარაღი არასოდეს არ მქონია.

შეკითხვა: ცეცხლსასროლ იარაღთან რაიმე შეხება გქონდათ ოდესმე?

პასუხი: მე ვმსახურობდი საქართველოს შეიარაღებულ ძალებში კონტრაქტით ოთხი წლის განმავლობაში, შესაბამისად, იქ მქონდა ჩემი სამსახურებრივი ავტომატის სისტემის ცეცხლსასროლი იარაღი. ჩვენება დანერგულია ჩემი კარნახით, ნავიკითხე, ჩანერგულია სწორად, რასაც ვადასტურებ ხელისმოწერით.

ნახევრად ავტომატური პისტოლეტის `ვალტერ P 38` მონაცემები და გამოყენების წესები

- 1) 1938 წლის ფაშისტური გერმანიის წარმოების `ვალტერ P38` სისტემის ნახევრად ავტომატური პისტოლეტი წარმოადგენს ახლო მანძილზე ბრძოლისათვის (ეფექტურია 50 მეტრამდე) განკუთვნილ საბრძოლო იარაღს.
- 2) მისი 9მმ კალიბრის ლუგერის ტყვიები მოთავსებულია მჭიდში, რომელიც იტევს 8 ცალს. შესაძლებელია მე-9 ტყვიის ლულის ხაზინაში პირდაპირ ჩადება.
- 3) დამცავი მექანიზმის გახსნის შემდეგ გადატენისას ტყვია შედის ლულის ხაზინაში. ამ დროს დამცემი მექანიზმი მოყვანილია საბრძოლო მდგომარეობაში და სასხლეტის გამოკვრის შემთხვევაში ტყვია გაიტყორცნება ლულიდან, რის შემდეგაც ლულა ნაწილობრივ სვლას აგრძელებს უკუცემის ძალით მასრასთან ერთად. შემდგომში იგი ჩერდება, ხოლო მასრა კი ამოიტყორცნება ინჟექტორის მოქმედებით, რის შემდეგაც ლულაში შედის ახალი ვაზნა და იარაღი ისევ საბრძოლო მდგომარეობაშია მოყვანილი.
- 4) პისტოლეტ `ვალტერ P38-ს` აქვს დამცავი. მისი დაკეტვის შემთხვევაში გამოირიცხულია მოხდეს გაუთვალისწინებელი გასროლა.
- 5) პისტოლეტ `ვალტერ P38-ის` ტყვიის საწყისი სიჩქარეა 270 მ/წ-ში.

